

**PLAN I PROGRAM STRUČNOG OBRAZOVANJA I USAVRŠAVANJA**

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNA AGENCIJA ZA UPRAVLJANJE ODUZETOM IMOVINOM**

**PLAN I PROGRAM**

**STRUČNOG OBRAZOVANJA I USAVRŠAVANJA DRŽAVNIH I POLICIJSKIH  
SLUŽBENIKA I NOSILACA PRAVOSUDNIH FUNKCIJA U VEZI SA  
FINANSIJSKIM ISTRAGAMA I ODUZIMANJEM IMOVINSKE KORISTI  
PRIBAVLJENE KRIVIČNIM DJELOM ZA 2026. GODINU**

**Sarajevo, decembar/prosinac 2025. godine**

# PLAN I PROGRAM STRUČNOG OBRAZOVANJA I USAVRŠAVANJA

Na osnovu odredbi člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), čl. 30. stav (1) tačka c) i 31. stav (1) tačke l) Zakona o oduzimanju nezakonito stečene imovine krivičnim djelom („Službene novine Federacije BiH“, broj: 71/14) i člana 18. Pravilnika o unutrašnjoj organizaciji Federalne agencije za upravljanje oduzetom imovinom broj: 01-02-167-14/22 od 19.01.2023. godine, direktor Federalne agencije za upravljanje oduzetom imovinom, d o n o s i

## **PLAN I PROGRAM stručnog obrazovanja i usavršavanja državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom za 2026. godinu**

### **1. UVOD**

Plan i program stručnog obrazovanja i usavršavanja državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom (u daljem tekstu: Plan i program) u skladu sa svojom namjenom izgrađivanja i usavršavanja ljudskih kapaciteta jeste okvirni planski dokument na osnovu kojeg će se vršiti stručno usavršavanje državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom.

Stručno usavršavanje državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom je zakonska obaveza i ima za cilj da se državni i policijski službenici i nosioci pravosudnih funkcija stručno osposobe za efikasno i kvalitetno obavljanje svih poslova svog radnog mjesta. Kako ovo osposobljavanje nije vezano za rok, to znači da se stručno osposobljavanje mora vršiti stalno i kontinuirano.

Organizovani kriminal, njegova globalizacija, odnosno rasprostranjenost, razni oblici manifestovanja, te niz drugih karakteristika koje nosi sa sobom doveli su do toga da isti danas predstavlja prijetnju društvima širom svijeta, pa tako i zemljama regiona. Razni oblici kriminala imaju veliki uticaj na razvoj privrede, ekonomije, demokratije i vladavine prava. Jugoistočna Evropa je posebno ugrožena ovim prijetnjama iz geografskih, političkih i istorijskih razloga.

Međunarodna zajednica je prepoznala problem kriminalnog podrivanja ekonomske stabilnosti zemalja i uočila ozbiljnu opasnost različitih oblika manifestovanja organizovanog kriminala, te je kroz različite zakonske instrumente, odnosno međunarodne ugovore, svoju pažnju usmjerila na pitanje oduzimanja imovine proistekle iz krivičnog djela i uvela minimalne standarde za efikasan rad i saradnju u ovoj oblasti, te predvidjela usvajanje takvih mjera u zakonodavstvima država članica i država kandidata kojima će se omogućiti efikasno, blagovremeno i zakonito oduzimanje imovinske koristi.

## PLAN I PROGRAM STRUČNOG OBRAZOVANJA I USAVRŠAVANJA

Potreba za stručnim osposobljavanjem posebno proizilazi iz činjenice što trenutno živimo u vrlo dinamičnom periodu stalnih izmjena zakona i podzakonskih akata u cilju prilagođavanja zakonodavstva Bosne i Hercegovine sa zakonodavstvom Evropske unije. Takođe, nova naučna i tehnička dostignuća i široka primjena računara, raznih računarskih programa i sličnih uređaja, kao i korištenje brojnih informacionih sistema u funkcionisanju raznih službi, preduzeća i drugih subjekata su dovela do novih načina izvršenja krivičnih djela.

Da bi u tim novim okolnostima državni i policijski službenici i nosioci pravosudnih funkcija bili kompetentni da efikasno i pravilno primjenjuju propise u svom radu i kompetentni da koriste nove metode rada i tehnička sredstva, nužno je da se stalno stručno osposobljavaju za uspješno i kvalitetno obavljanje poslova. Iz tog razloga utvrđena je zakonska obaveza za državne i policijske službenike i nosioce pravosudnih funkcija da se stalno stručno usavršavaju i povećavaju svoje kompetencije.

### 2. PROGRAM STRUČNOG OBRAZOVANJA I USAVRŠAVANJA

Provođenje finansijskih istraga s ciljem identifikacije, odnosno privremenog i trajnog oduzimanja imovine stečene krivičnim djelom predstavlja jedan od najefikasnijih načina borbe protiv organizovanog kriminala, korupcije i drugih imovinski motiviranih krivičnih djela. Uspjeh te borbe uslovljen je lišavanjem kriminalnih organizacija i pojedinaca bogatstva koji je ujedno najveći izbor njihove moći i pokretač daljnje kriminalne aktivnosti.

Zbog toga se udar na imovinu koja je pribavljena na nezakonit način smatra najtežim udarcem za počinioce teških krivičnih djela, a mjere usmjerene na oduzimanje imovine su procijenjene kao najbolja sredstva da se suzbiju organizovani kriminal i korupcija.

Imovina koja vodi porijeklo iz različitih kriminalnih aktivnosti je u većem dijelu prikrivena tako da provođenje finansijskih istraga zahtjeva složen, visokostručan i analitičan rad ovlaštenih službenih osoba koji je provode.

U skladu sa članom 30. stav (1) tačka c) Agencija je nadležna za stručnu edukaciju iz područja finansijskih istraga i oduzimanja imovinske koristi pribavljene krivičnim djelom. U skladu sa tim, članom 31. stav (1) tačka l) Zakona, Agencija u provođenju ove svoje nadležnosti u saradnji sa drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom.

S tim u vezi, u Planu i programu stručnog obrazovanja i usavršavanja za 2026. godinu bit će uključene edukacije, konferencije, okrugli stolovi, radionice i slično organizovane od strane Federalne agencije za upravljanje oduzetom imovinom u saradnji sa Javnom ustanovom Centar za edukaciju sudija i tužilaca, kao i drugim

## PLAN I PROGRAM STRUČNOG OBRAZOVANJA I USAVRŠAVANJA

organima, organizacijama i institucijama u cilju kontinuiranog unapređenja stručnosti državnih i policijskih službenika i nosilaca pravosudnih funkcija.

U prijedlogu budžeta Agencije za 2026. godinu na stavci iz koje se finansira stručno obrazovanje i usavršavanje, Agencija će planirati potrebna sredstva za te namjene.

Stručno usavršavanja će se realizovati na sljedeće načine:

- edukacije;
- okrugli stolovi;
- radionice;
- konferencije;
- savjetovanja;
- studijske posjete;
- a po potrebi i učenjem na daljinu (e-učenje).

U cilju racionalne organizacije stručne obuke državnih i policijskih službenika i nosilaca pravosudnih funkcija, direktor Agencije, na prijedlog i u saradnji sa Centrom za edukaciju sudija i tužilaca Federacije Bosne i Hercegovine, kao i drugih organa, organizacija i institucija koje u svom programu rada imaju obučavanje i usavršavanje iz pojedinih oblasti djelovanja, svakog u okviru njegove nadležnosti, donosi Program stručnog obrazovanja i usavršavanja državnih i policijskih službenika i nosilaca pravosudnih funkcija, imajući u vidu potrebu svakog radnog mjesta pojedinačno, znanje i iskustvo istih, a pri tome poštujući principe racionalnosti, transparentnosti, ekonomičnosti i učinkovitosti.

Isto tako bitno je istaći da će Agencija uputiti zahtjeve institucijama koje su zainteresirane za uspješan rad Agencije da bi svojim donatorskim sredstvima omogućile pojedine vidove stručnog usavršavanja uposlenih u Agenciji.

Programom stručnog obrazovanja i usavršavanja uposlenika Agencija će na pregledan, sistematičan i precizan način:

### **a) Implementirati dokument koji će obuhvatiti obuke iz oblasti finansijskih istraga**

Plan i program stručnog obrazovanja i usavršavanja za 2026. godinu je nastao nakon analize edukativnih potreba, te kontakata ostvarenih sa predsjednicima sudova, glavnim tužiocima, edukatorima, sudijama, tužiocima, predstavnicima državnih organa, predstavnicima agencija za provođenje zakona i međunarodnim partnerima.

Sveobuhvatni cilj Plana i programa je priprema novih tema i novih metoda iz oblasti finansijskih istraga koje se trebaju koristiti kao sredstvo (metod rada) za otkrivanje krivičnih djela, počinitelja krivičnih djela, visine nezakonito stečene imovinske koristi, lociranja nezakonito stečene koristi, a sve u cilju pronalaska i osiguranja dokaza za krivično gonjenje počinitelja kao i za vođenje postupaka za oduzimanje imovinske koristi pribavljene izvršenjem krivičnog djela. Akcenat prilikom implementacije ovih obuka će biti stavljen na tri različite oblasti, odnosno sesije, koje će obuhvatiti:

## PLAN I PROGRAM STRUČNOG OBRAZOVANJA I USAVRŠAVANJA

1. Jačanje kapaciteta pravosudnih institucija, policijskih i drugih agencija iz oblasti finansijskih istraga u okviru ekonomskih pitanja sa uvodnom obukom iz pojmovnika finansijskih izraza;
2. Jačanje kapaciteta pravosudnih institucija, policijskih i drugih agencija iz oblasti finansijskih istraga u okviru strateških i pravnih pitanja;
3. Jačanje kapaciteta pravosudnih institucija, policijskih i drugih agencija iz oblasti finansijskih istraga u okviru kriminalističkog aspekta.

Sastavni dio Plana i programa stručnog obrazovanja i usavršavanja državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom za 2026. godinu je i tabelarni dio kojim se bliže određuju sadržaj, vrijeme i mjesto održavanja obuka koje Agencija planira realizirati.

Implementacija ovog dokumenta koji će obuhvatiti obuke iz oblasti finansijskih istraga imat će za cilj da učesnicima obuka približi pojam finansijske istrage kao pravnog instituta novijeg datuma, njenu prirodu i osnovne karakteristike, kao i metode koje se koriste u njenom provođenju.

### **b) Implementirati dokument koji će obuhvatiti obuke iz oblasti oduzimanja imovinske koristi pribavljene krivičnim djelom**

Osnovni cilj Plana i programa je jačanje kapaciteta agencija za sprovođenje zakona, te tužilaštava i pravosudnih organa u cilju obezbjeđenja djelotvornog privremenog i trajnog oduzimanja imovinske koristi u njihovim jurisdikcijama. Akcenat prilikom implementacije ovih obuka će biti stavljen na aktueliziranje tema i prakse koje će se odnositi na uspostavljanje efektivnog i efikasnog sistema utvrđivanja, osiguranja i oduzimanja imovinske koristi stečene krivičnim djelom.

Oduzimanje imovinske koristi kroz jačanje, unapređenje i primjenu pravnog okvira za privremeno i trajno oduzimanje imovinske koristi, kao i unapređenje institucionalnih kapaciteta za upravljanje privremeno i trajno oduzetom imovinom kroz provođenje edukacija nosilaca pravosudnih funkcija, policijskih i državnih službenika od ključnog je značaja za uspješno oduzimanje imovinske koristi stečene kriminalom od učinilaca krivičnih djela ili s njima povezanih lica, a potom i vraćanje imovine oštećenom ili državnoj zajednici na opću dobrobit društva.

Implementacija ovog dokumenta koji će obuhvatiti obuke iz oblasti oduzimanja imovinske koristi pribavljene krivičnim djelom imat će za cilj da osigura uspostavu sveobuhvatnog i efikasnog sistema za oduzimanje nezakonito stečene imovine krivičnim djelom u Federaciji Bosne i Hercegovine.

### 3. PLAN STRUČNOG OBRAZOVANJA I USAVRŠAVANJA

Agencija će u okviru realizacije planiranih obuka ostvariti kontakte sa Centrom za edukaciju sudija i tužilaca Federacije Bosne i Hercegovine, kao i drugim organima, organizacijama i institucijama u cilju zajedničkih aktivnosti oko kontinuiranog unapređenja stručnosti državnih i policijskih službenika i nosilaca pravosudnih funkcija.

3.1. Agencija je za 2026. godinu utvrdila sljedeće grupe programa edukacija:

#### TEMATSKA CJELINA – ODUZIMANJE IMOVINE

Tematska cjelina vezana za stručne obuke iz oblasti oduzimanja imovine obuhvata obuke vezane za:

- Primjenu instituta proširenog oduzimanja imovinske koristi pribavljene krivičnim djelom, povezana lica i koordinacija nadležnih tijela u postupku oduzimanja;
- Izazove kod primjene Zakona o oduzimanju nezakonito stečene imovine krivičnim djelom Federacije Bosne i Hercegovine.

Svrha održavanja ovih obuka je pravovaljano suprostavljanje korupciji, organizovanom i drugim oblicima krivičnih djela, kroz osposobljavanje nosilaca pravosudnih funkcija, policijskih i državnih službenika, te da se što više približe zakonska rješenja i međunarodni standardi praktičarima, odnosno onima koji trebaju raditi na konkretnim slučajevima u kojima postoji sumnja da je učinjenim krivičnim djelom ostvarena imovinska korist.

**EDUKACIJA: „PRIMJENA INSTITUTA PROŠIRENOG ODUZIMANJA IMOVINSKE KORISTI PRIBAVLJENE KRIVIČNIM DJELOM, POVEZANA LICA I KOORDINACIJA NADLEŽNIH TIJELA U POSTUPKU ODUZIMANJA“**

**Mjesto održavanja:** naknadno će se utvrditi

**Trajanje:** jedna sesija od dva dana

**Datum održavanja:** 14 – 16. april 2026. godine

**Ciljna grupa:** sudije i tužioci, policijski službenici

**Planiran broj učesnika:** 30-35

**Cilj radionice:** unaprijediti znanja o proširenom oduzimanju

## PLAN I PROGRAM STRUČNOG OBRAZOVANJA I USAVRŠAVANJA

|                              |                                                           |
|------------------------------|-----------------------------------------------------------|
|                              | imovinske koristi kroz zajedničke obuke sudija i tužilaca |
| <b>Metod:</b>                | predavanje i diskusija                                    |
| <b>Edukativni materijal:</b> | materijali edukatora                                      |
| <b>Edukatori:</b>            | domaći i međunarodni stručnjaci                           |

### **EDUKACIJA: „IZAZOVI KOD PRIMJENE ZAKONA O ODUZIMANJU NEZAKONITO STEČENE IMOVINE KRIVIČNIM DJELOM FEDERACIJE BOSNE I HERCEGOVINE“**

|                                |                                                                                                                                           |
|--------------------------------|-------------------------------------------------------------------------------------------------------------------------------------------|
| <b>Mjesto održavanja:</b>      | naknadno će se utvrditi                                                                                                                   |
| <b>Trajanje:</b>               | jedna sesija od dva dana                                                                                                                  |
| <b>Datum održavanja:</b>       | 11 - 13. maj 2026. godine                                                                                                                 |
| <b>Ciljna grupa:</b>           | sudije, tužioci, policijski službenici, državni službenici                                                                                |
| <b>Planiran broj učesnika:</b> | 30-35                                                                                                                                     |
| <b>Cilj radionice:</b>         | unaprijediti znanja o oduzimanju imovinske koristi, problemi i izazovi kod utvrđivanja i otkrivanja imovine proistekle iz krivičnih djela |
| <b>Metod:</b>                  | predavanje i diskusija                                                                                                                    |
| <b>Edukativni materijal:</b>   | materijali edukatora                                                                                                                      |
| <b>Edukatori:</b>              | domaći i međunarodni stručnjaci                                                                                                           |

### **TEMATSKA CJELINA – FINANSIJSKE ISTRAGE**

Tematska cjelina vezana za stručne obuke iz oblasti finansijskih istraga obuhvata obuke vezane za:

- Postupke oduzimanja nezakonito stečene imovine krivičnim djelom s posebnim osvrtom na finansijske istrage u Federaciji Bosne i Hercegovine.

Svrha održavanja ovih obuka je unapređenje znanja o metodama istrage i istražnim vještinama u pogledu provođenja finansijskih istraga, odnosno jačanju

## PLAN I PROGRAM STRUČNOG OBRAZOVANJA I USAVRŠAVANJA

kapaciteta i alata za djelotvorno istraživanje i krivično gonjenje kroz efikasnu saradnju i razmjenu iskustava između svih ovlaštenih organa.

Kako je u skladu sa članom 9. Zakona cilj finansijske istrage prikupljanje svih dokaza koji ukazuju na obim, iznos, vrstu, stvarnu vrijednost i druge okolnosti u vezi sa zakonitim prihodima osumnjičenog ili optuženog, odnosno povezane osobe, njihovim troškovima života i stvarnim mogućnostima zakonitog sticanja imovine za koju postoje osnovi sumnje da je pribavljena krivičnim djelom, unapređenje znanja iz ove oblasti će umnogome pomoći učesnicima u istrazi da na efikasan i zakonit način okončaju istragu do kraja, kako bi se počiniocima krivičnih djela oduzela nezakonito stečena imovinska korist.

### **EDUKACIJA: „POSTUPCI ODUZIMANJA NEZAKONITO STEČENE IMOVINE KRIVIČNIM DJELOM S POSEBNIM OSVRTOM NA FINACIJSKE ISTRAGE U FEDERACIJI BOSNE I HERCEGOVINE“**

|                                |                                                                                                                                                                                                      |
|--------------------------------|------------------------------------------------------------------------------------------------------------------------------------------------------------------------------------------------------|
| <b>Mjesto održavanja:</b>      | naknadno će se utvrditi                                                                                                                                                                              |
| <b>Trajanje:</b>               | jedna sesija od dva dana                                                                                                                                                                             |
| <b>Datum održavanja:</b>       | 14 – 16. septembar i 2 – 4. novembar 2026. godine                                                                                                                                                    |
| <b>Ciljna grupa:</b>           | sudije, tužioci, policijski službenici, državni službenici                                                                                                                                           |
| <b>Planiran broj učesnika:</b> | 30-35                                                                                                                                                                                                |
| <b>Cilj radionice:</b>         | unaprijediti znanja o oduzimanju imovinske koristi, problemi i izazovi kod utvrđivanja i otkrivanja imovine proistekle iz krivičnih djela, te unaprijediti znanja u pogledu same finansijske istrage |
| <b>Metod:</b>                  | predavanje i diskusija                                                                                                                                                                               |
| <b>Edukativni materijal:</b>   | materijal edukatora                                                                                                                                                                                  |
| <b>Edukatori:</b>              | domaći i međunarodni stručnjaci                                                                                                                                                                      |

- 3.2.** Agencija planira u toku 2026. godine, zajedno sa Centrom za edukaciju sudija i tužilaca i Udruženjima tužilaca Federacije Bosne i Hercegovine i sudija Federacije Bosne i Hercegovine, učestvovati u organizaciji Stručnog savjetovanja tužilaca i Stručnog savjetovanja sudija.

Naime, u toku 2025. godine Federalna agencija za upravljanje oduzetom imovinom je u saradnji sa Centrom za edukaciju sudija i tužitelja Federacije Bosne i Hercegovine, Udruženjem tužilaca Federacije Bosne i Hercegovine, Udruženjem sudija u Federaciji Bosne i Hercegovine i AIRE centrom, učestvovala u organizaciji XXIII Savjetovanja iz krivičnopravne oblasti „Panel – Oduzimanje imovinske koristi pribavljene krivičnim djelom“ i XVIII Stručnog savjetovanja tužilaca „Financijske istrage, pranje novca, te oduzimanje i upravljanje nezakonito stečenom imovinom“.

Inače, ovi paneli su bili posvećeni pitanjima dobre prakse i značaju regionalne i međuinstitucionalne saradnje u vezi s oduzimanjem imovinske koristi pribavljene krivičnim djelima organizovanog kriminala i korupcije.

U skladu sa navednim, Agencija je uvrstila organizaciju narednih savjetovanja u Plan i program obuke:

### **XXIII SAVJETOVANJE IZ KRIVČNOPRAVNE OBLASTI**

**Mjesto održavanja:** naknadno će se utvrditi

**Trajanje:** jedna sesija od tri dana

**Datum održavanja:** juni 2026. godine

**Ciljna grupa:** sudije

**Planiran broj učesnika:** 30-35

**Cilj radionice:** unaprijediti znanja o oduzimanju imovinske koristi, problemi i izazovi kod utvrđivanja i otkrivanja imovine proistekle iz krivičnih djela, te unaprijediti znanja u pogledu same finansijske istrage

**Metod:** predavanje i diskusija

**Edukativni materijal:** materijal edukatora

**Edukatori:** domaći i međunarodni stručnjaci

## XVIII STRUČNO SAVJETOVANJE TUŽILACA

|                                |                                                                                                                                                                                                      |
|--------------------------------|------------------------------------------------------------------------------------------------------------------------------------------------------------------------------------------------------|
| <b>Mjesto održavanja:</b>      | naknadno će se utvrditi                                                                                                                                                                              |
| <b>Trajanje:</b>               | jedna sesija od tri dana                                                                                                                                                                             |
| <b>Datum održavanja:</b>       | oktobar 2026. godine                                                                                                                                                                                 |
| <b>Ciljna grupa:</b>           | tužitelji                                                                                                                                                                                            |
| <b>Planiran broj učesnika:</b> | 30-35                                                                                                                                                                                                |
| <b>Cilj radionice:</b>         | unaprijediti znanja o oduzimanju imovinske koristi, problemi i izazovi kod utvrđivanja i otkrivanja imovine proistekle iz krivičnih djela, te unaprijediti znanja u pogledu same finansijske istrage |
| <b>Metod:</b>                  | predavanje i diskusija                                                                                                                                                                               |
| <b>Edukativni materijal:</b>   | materijal edukatora                                                                                                                                                                                  |
| <b>Edukatori:</b>              | domaći i međunarodni stručnjaci                                                                                                                                                                      |

- 3.3.** Osim redovnih edukacija predviđenih za nosioce pravosudnih funkcija u Federaciji Bosne i Hercegovine, Agencija će u saradnji sa Misijom OSCE-a u Bosni i Hercegovini u okviru projekta EUPA4BIH u toku 2026. godine, učestvovati u organizaciji dodatnih sedam specijalističkih obuka za policijske službenike i tužioce po kantonima.

Od zadnjeg kvartala 2025. godine Agencija je uključena u projekat EUPA4BIH koji se odnosi na specijalističke obuke policijskih službenika i tužilaca, a koji implementira Misija OSCE-a u Bosni i Hercegovini.

Sa predstavnicima Misije je dogovoreno da se realizuju specijalističke obuke za svaki kanton, pa su tako u oktobru, novembru i decembru održane obuke za policijske službenike i tužioce Srednjobosanskog kantona, Hercegovačko-neretvanskog kantona i Zeničko-dobojskog kantona.

U skladu sa planom realizacije ovih obuka za 2026. godinu je ostalo sedam specijalističkih obuka, od kojih imamo tri sa tačnim datumom i mjestom održavanja. Navedene tri ćemo predstaviti u ovom Planu, dok ćemo ostale uraditi sa izmjenama. dopunama Plana i programa.

**SPECIJALISTIČKA OBUKA: „FINANCIJSKE ISTRAGE I ODUZIMANJE IMOVINE“**

**Mjesto održavanja:** Bihać

**Trajanje:** jedna sesija od dva dana

**Datum održavanja:** 27 - 28. januar 2026. godine

**Ciljna grupa:** tužioci i policijski službenici iz Unsko-sanskog kantona

**Planiran broj učesnika:** 30-35

**Cilj radionice:** unaprijediti znanja o finansijskim istragama i oduzimanju imovine

**Metod:** predavanje, vježbe i diskusija

**Edukativni materijal:** materijali edukatora

**Edukatori:** domaći stručnjaci

**SPECIJALISTIČKA OBUKA: „FINANCIJSKE ISTRAGE I ODUZIMANJE IMOVINE“**

**Mjesto održavanja:** Tuzla

**Trajanje:** jedna sesija od dva dana

**Datum održavanja:** 17 - 18. februar 2026. godine

**Ciljna grupa:** tužioci i policijski službenici iz Tuzlanskog kantona

**Planiran broj učesnika:** 30-35

**Cilj radionice:** unaprijediti znanja o finansijskim istragama i oduzimanju imovine

**Metod:** predavanje, vježbe i diskusija

**Edukativni materijal:** materijali edukatora

**Edukatori:** domaći stručnjaci

# PLAN I PROGRAM STRUČNOG OBRAZOVANJA I USAVRŠAVANJA

## SPECIJALISTIČKA OBUKA: „FINANCIJSKE ISTRAGE I ODUZIMANJE IMOVINE“

**Mjesto održavanja:** Široko Brijeg

**Trajanje:** jedna sesija od dva dana

**Datum održavanja:** 26 - 27. mart 2026. godine

**Ciljna grupa:** tužioci i policijski službenici iz Zapadnohercegovačkog kantona

**Planiran broj učesnika:** 30-35

**Cilj radionice:** unaprijediti znanja o finansijskim istragama i oduzimanju imovine

**Metod:** predavanje, vježbe i diskusija

**Edukativni materijal:** materijali edukatora

**Edukatori:** domaći stručnjaci

### Napomena:

Tabelarni prikaz Plana stručnog usavršavanja je sastavni dio Plana i programa stručnog obrazovanja i usavršavanja državnih i policijskih službenika i nosilaca pravosudnih funkcija za 2026. godinu.

Broj: 01-02-3-1063/25

Sarajevo, 4.12.2025. godine

Akt pripremila: Hanadi Karić

Akt pregledao: Adnan Zeković



# PLAN I PROGRAM STRUČNOG OBRAZOVANJA I USAVRŠAVANJA

## TABELARNI PRIKAZ

Plana i programa stručnog obrazovanja i usavršavanja državnih i policijskih službenika i nosilaca pravosudnih funkcija u 2026. godini

### I - TEMATSKA CJELINA – ODUZIMANJE IMOVINE

| Naziv programa obuke                                                                                                                                                                                                                                         | Organizator obuke | Opis obuke (svrha i sadržaj)                                                                                                              | Ciljna grupa                                               | Vrijeme održavanja obuke tokom godine | Finansijska sredstva                                   |
|--------------------------------------------------------------------------------------------------------------------------------------------------------------------------------------------------------------------------------------------------------------|-------------------|-------------------------------------------------------------------------------------------------------------------------------------------|------------------------------------------------------------|---------------------------------------|--------------------------------------------------------|
| Primjena instituta proširenog dužimanja novinske koristi ribavljene rivičnim djelom, ovezana lica i oordinacija adležnih tijela u ostupku dužimanja azovi kod rimjene Zakona o dužimanju azakonito stečene ovine krivičnim elom Federacije osne i ercegovine | FAZUOI            | Unaprijediti znanja o proširenom oduzimanju imovinske koristi kroz zajedničke obuke sudija i tužilaca                                     | Sudije, tužioci i policijski službenici                    | 14 – 16. april 2026. godine           | Sredstva FAZUOI ili sredstva međunarodnih organizacija |
|                                                                                                                                                                                                                                                              | FAZUOI            | Unaprijediti znanja o oduzimanju imovinske koristi, problemi i izazovi kod utvrđivanja i otkrivanja imovine proistekle iz krivičnih djela | Sudije, tužioci, policijski službenici, državni službenici | 11 – 13. maj 2026. godine             | Sredstva FAZUOI ili sredstva međunarodnih organizacija |

## PLAN I PROGRAM STRUČNOG OBRAZOVANJA I USAVRŠAVANJA

### II - TEMATSKA CJELINA – FINANSIJSKE ISTRAGE

| Naziv programa obuke                                                                                                                    | Organizator obuke | Opis obuke (svrha i sadržaj)                                                                                                                                                                                 | Ciljna grupa                                     | Vrijeme održavanja obuke tokom godine                           | Finansijska sredstva                          |
|-----------------------------------------------------------------------------------------------------------------------------------------|-------------------|--------------------------------------------------------------------------------------------------------------------------------------------------------------------------------------------------------------|--------------------------------------------------|-----------------------------------------------------------------|-----------------------------------------------|
| Postupci dužimanja nezakonito stečene novine krivičnim djelom s posebnim svrhom na finansijske istrage u Federaciji Bosne i Hercegovine | FAZUOI            | Unaprijediti znanja u pogledu oduzimanja imovinske koristi, problemi i izazovi kod utvrđivanja i otkrivanja imovine proistekle iz krivičnih djela, te unaprijediti znanja u pogledu same finansijske istrage | Sudije, tužioci, policijski i državni službenici | 14 – 16. septembar 2026. godine<br>2 – 4. novembar 2026. godine | Sredstva FAZUOI ili međunarodnih organizacija |

### III - TEMATSKA CJELINA – STRUČNA SAVJETOVANJA SUDIJA I TUŽILACA

| Naziv programa obuke                   | Organizator obuke                                                   | Opis obuke (svrha i sadržaj)                                                                                                                                                                                                                                                                     | Ciljna grupa | Vrijeme održavanja obuke tokom godine | Finansijska sredstva |
|----------------------------------------|---------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------|---------------------------------------|----------------------|
| XIV Savjetovanje krivičnopravne vlasti | FAZUOI u saradnji sa CEST F BiH, Udruženjem tužilaca Federacije BiH | Rasprava o aktuelnim pitanjima primjene krivičnog zakonodavstva, izazovima i najboljim praksama u radu sudova u Bosni i Hercegovini i Federaciji Bosne i Hercegovine vezanim za oduzimanje nezakonito stečene imovine krivičnim djelom i predstavljanje institucionalne uloge i značaja Agencije | Sudije       | juni 2026. godine                     | Sredstva FAZUOI      |

## PLAN I PROGRAM STRUČNOG OBRAZOVANJA I USAVRŠAVANJA

|                                  |                                                                     |                                                                                                                                                                                                                                                                  |         |                      |                 |
|----------------------------------|---------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------|---------|----------------------|-----------------|
| IX Stručno savjetovanje tužilaca | FAZUOI u saradnji sa CEST F BiH, Udruženjem tužilaca Federacije BiH | Rasprava o aktuelnim pitanjima primjene krivičnog zakonodavstva, izazovima i najboljim praksama u radu tužilaca u Bosni i Hercegovini i Federaciji Bosne i Hercegovine vezanim za finansijske istrage, i predstavljanje institucionalne uloge i značaja Agencije | Tužioci | oktobar 2026. godine | Sredstva FAZUOI |
|----------------------------------|---------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------|---------|----------------------|-----------------|

### IV - TEMATSKA CJELINA – SPECIJALISTIČKE OBUKE

| Naziv programa obuke                     | Organizator obuke                                         | Opis obuke (svrha i sadržaj)                                                                                                       | Ciljna grupa                    | Vrijeme održavanja obuke tokom godine | Finansijska sredstva          |
|------------------------------------------|-----------------------------------------------------------|------------------------------------------------------------------------------------------------------------------------------------|---------------------------------|---------------------------------------|-------------------------------|
| financijske istrage i oduzimanje imovine | FAZUOI u saradnji sa Misijom OSCE-a u Bosni i Hercegovini | Specijalistička obuka za policijske službenike i tužioce Unsko-sanskog kantona iz finansijskih istraga i oduzimanja imovine        | Tužioci i policijski službenici | 27 – 28. januar 2026. godine          | Sredstva iz projekta EUPA4BIH |
| financijske istrage i oduzimanje imovine | FAZUOI u saradnji sa Misijom OSCE-a u Bosni i Hercegovini | Specijalistička obuka za policijske službenike i tužioce Tuzlanskog kantona iz finansijskih istraga i oduzimanja imovine           | Tužioci i policijski službenici | 17 – 18. februar 2026. godine         | Sredstva iz projekta EUPA4BIH |
| financijske istrage i oduzimanje imovine | FAZUOI u saradnji sa Misijom OSCE-a u Bosni i Hercegovini | Specijalistička obuka za policijske službenike i tužioce Zapadnohercegovačkog kantona iz finansijskih istraga i oduzimanja imovine | Tužioci i policijski službenici | 26 – 27. mart 2026. godine            | Sredstva iz projekta EUPA4BIH |

## PLAN I PROGRAM STRUČNOG OBRAZOVANJA I USAVRŠAVANJA

|                                        |                                                           |                                                                                                                                    |                                 |                         |                               |
|----------------------------------------|-----------------------------------------------------------|------------------------------------------------------------------------------------------------------------------------------------|---------------------------------|-------------------------|-------------------------------|
|                                        | Bosni i Hercegovini                                       |                                                                                                                                    |                                 |                         |                               |
| inancijske istrage i duzimanje imovine | FAZUOI u saradnji sa Misijom OSCE-a u Bosni i Hercegovini | Specijalistička obuka za policijske službenike i tužioce Kantona Sarajevo iz finansijskih istraga i oduzimanja imovine             | Tužioci i policijski službenici | Naknadno će se utvrditi | Sredstva iz projekta EUPA4BIH |
| inancijske istrage i duzimanje imovine | FAZUOI u saradnji sa Misijom OSCE-a u Bosni i Hercegovini | Specijalistička obuka za policijske službenike i tužioce Bosansko-podrinjskog kantona iz finansijskih istraga i oduzimanja imovine | Tužioci i policijski službenici | Naknadno će se utvrditi | Sredstva iz projekta EUPA4BIH |
| nancijske istrage i duzimanje imovine  | FAZUOI u saradnji sa Misijom OSCE-a u Bosni i Hercegovini | Specijalistička obuka za policijske službenike i tužioce Posavskog kantona iz finansijskih istraga i oduzimanja imovine            | Tužioci i policijski službenici | Naknadno će se utvrditi | Sredstva iz projekta EUPA4BIH |
| nancijske istrage i duzimanje imovine  | FAZUOI u saradnji sa Misijom OSCE-a u Bosni i Hercegovini | Specijalistička obuka za policijske službenike i tužioce Kantona 10 Livno iz finansijskih istraga i oduzimanja imovine             | Tužioci i policijski službenici | Naknadno će se utvrditi | Sredstva iz projekta EUPA4BIH |